

— 299 —

vnserre felder wegen, vnd also ez zu Strazburg vor uchs beret wart, daz derselbe herre zwene schidemanne vnd och wir zwene schidemanne, in dirre selben sache nemmen selten. Darüber haben wir zu schidemanne in dirre selben sache vnserhalb genomen, hern Johannesen Snewelin den Gresser, vnsern meister, vnd hern Johansen von Munzingen den Römer, ritter, vnd hant och dieselben vnser schidemanne in dirre Sache gesprochen zu Brisach, an dem nechsten mendtage vor vnserre fromen tage der jüngern so nu nechste komet, also hie nach geschriben stat. Wir Johannes Snewelin der Gresser der meister, vnd Johans von Munzingen der Römer, ritter von Freiburg, schidelüte in dirre selben sache, da sprechen wir nach den trostbriefen, so der edel herre Margrave Rudolf von Baden genant Hesse, vnd die edel frome die Margrevin sine eliche frome gegeben hant, vnd nach der rede, also vns vnser herren, der rat von Freiburg in derselben sache vürgeleit hant, so dünket vns, daz der vorgebant herre der Margrave vnd die Margrevin sine eliche frome sollen geben, vnd vfrichten vnsern bürgern vnd selbern, sie sin frome oder manne, alles daz gut, daz sie in genomen hant, also gut vnd also gebe, also sie ez namen, oder aber so vil gutes dafür, daz vnser burger vnd felder, fromen vnd mannen, den das gut genomen ist, zu den heiligen behabent, das daz gut, daz in genomen wart, wert wert, vnd den kossen vnd schaden, den sie nach demselben gute verzert hant, den sie och zu den heiligen behabent, vnd was gutes man in von dirre selben sache wegen git, da dunket vns och, daz man in daz entwurten sulle an die stette, da si sin sicher sien. Wissent och, daz vnser herren der rat von Freiburg, von dirre selben sache wegen grossen kossen gehet hant, darvmb mir nüt sprechen wellent. Dis alles haben wir gesprochen, vnd dünket vns och recht, vnd ensceden vns in in dirre selben sache bessers nüt vf vnsern ent, vnd darvmb zu einem vrfunde dirre vorgeschribenen dinge, so han wir dieselben schidelüte beide, vnser ingesigele gehentet an disen

20 *